



UNIVERSITÄTS-  
BIBLIOTHEK  
PADERBORN

## **Summæ Theologicæ Scholasticæ Et Moralis**

In Quatuor Partes Distributæ

In qua de Incarnatione Verbi & Mysteriis vitæ Christi, nec non de  
Sacramentis in genere & singulis in specie succinctè & dilucidè tractatur

**Herincx, Wilhelm**

**Antverpiae, 1675**

Quæst. V. De Conditione Appetitûs sensitivi & corporis Christi.

---

[urn:nbn:de:hbz:466:1-72963](#)

75.  
Sanguis quo  
Christi quo  
sensu dicas  
tum effusus  
pro multis.

Dices I. Christus *Marth. 26*. De sanguine suo dixit: *Qui pro vobis & pro multis effundetur*. Resp. effundetur pro multis efficaciter, sed pro omnibus quantum ad sufficienciam. Vel potius *pro multis* ibi idem est, quod pro omnibus, seu pro tota multitudo, idque phrasa Scriptura usitata.

Dices II. Christus *Joan. 10*. dicit se animam suam ponere pro ovibus suis, id est predestinatis. Et *ad Ephes. 5*. Christus dicitur se tradidisse pro Ecclesia. Resp. ibi non excludi ceteros, alibi in Scriptura comprehensos; quos omnes Christus desiderat fieri oves gregis sui & membra Ecclesiae. Deinde multi sunt reprobri in Ecclesia, pro qua Christus semetipsum tradidit. Denique pro ovibus electis mortuus est specialis, scilicet cum effectu salutis.

Dices III. *Joan. 17*. Christus ait: *Non pro mundo rego, sed pro his quos dedisti mihi*. Ubi vindicatur excludi reprobri. Resp. Christum ibi orare expresse pro solis discipulis seu Apostolis; eti rationem postea extendat ad credituros per verbum eorum. Quamvis autem ibi tantum orasset pro his, alibi tamen oravit etiam pro ceteris. Oratio quamque non semper pro omnibus, ut mors suscipi debuit. Deinde intelligi potest, quod Christus oraverit efficaciter pro solis electis, eti etiam pro reprobis precatus fuerit quoad sufficientiam.

Dices IV. *August. 22. De civit. cap. 2.4. illud Apostoli ad Rom. 8*. Pro nobis omnibus tradidit illum, intelligit de predestinatis. Et epist. 48. post med. ait: *Christus propitiator est peccatorum nostrorum, non ianum nostrorum sed totius mundi, propter tristum, quod est per totum mundum*. Et epist. 102. ait: *Non perit unus ex illis, pro quibus mortuus est Christus*. Resp. Augustinum non velle, quod Apostolus Paulus vel Joannes excludat reprobos à redemptione facta per Christum, quos Scriptura, ipseque Augustinus tam patenter comprehendit, adeoque non negat redemptions horum quoad sufficientiam; sed singulariter commendat speciales, tum Dei voluntatem circa electos, tum redemptions Christi circa eosdem, scilicet cum effectu salutis. Propter quod Prosper *Resp. ad 1. object. Vincent.* benè dixit: *Cum recte omnes dicantur redempti (active scilicet), quantum est ex parte Christi) & tamen non omnes à captivitate sint erisi (passive scilicet, defectu hominum) redemptions proprietas haud dubie pones illos est, de quibus Princeps mundi missus est foras ... . Polulum quippe immortalitatis, quod conjectum est de infirmitate nostra & virtute divina, habet quidem in se ut omnibus proficit; sed si non bibitur, non medetur. Idem sent. 9. juper. 9. cap. Gallorum ait: *Cum Sanguis Domini nostri Jesu Christi pretius est totius mundi sit* (intellige verè, adeoque ex parte Christi illum offerentis) *& quo pretio extranei sunt, qui aut delectati captivitate sedimini noluerunt, aut post redemptions ad eamdem sunt**

76.  
Explicatur  
dictum non  
pro mundo  
reto &c.

77.  
Generales  
locutiones  
Scriptura  
de morte  
Christi que  
sensu applican-  
tentur ab  
Augustino  
predestina-  
ti.

Panes quos  
juxta 8.  
Prosperum  
est redemp-  
tionis pro-  
prietas.

servitutem reversi. Vide cumdem *Resp. ad 9.*  
*cap. Gallorum*.

Similiter quod ex *Epist. 102.* allegatur, intelligi debet de morte quod ad specialem efficaciam; vel certe de adultis hoc sensu, quod nemo ex iis pereat sine sua culpa ob incapacitatem seu impotentiam. Alioquin quod pereat aliquando pro quo Christus mortuus est, patet non solum ex Apostolo 1. *ad Cor. 8.* sed etiam ex variis testimoniorum Augustini præallegatis, & aliis quæ allegat *Dechamps l. 3. d. 7. cap. 4.* Certè perit Arius Hæretarcha; quem tamen in persona Christi alloquens *Orat. De quinque hæretibus cap. 6.* ait: *Sanguinem meum fudi, animam meam posui, ut mihi coningerem te & tu dividis me?*

Neque id derogat omnipotencia Dei, aut virtutis orationis Christi, qui *Joan. 11*. ait: *Ego sciebam, quia semper me audis*. Nam voluntas Dei circa salutem reproborum tantum est antecedens, eiisque se subdit voluntas Christi, efficaciter quantum est de non dampno supplicantis & remidentis, unde etiam in reprobos profluit sufficientia salutis media, sic ut pœnes illos sit, redimi cum effectu. Unde *Augustinus lib. 2. De Symbolo cap. 8.* 8. ait: *Festinet unusquisque cum viris, ut vivat; Per repercurrat, ut ejus pretioso sanguine redimatur; ne stat, qui cum non fuerit, invenitus in numero redemptorum, ceteris non respicitur, in numero maneat perditorum*. Et *Serm. 31. inter novos editos à Sixmundo* (quem citat Beda in *cap. 5. Epist. 2. ad Cor. teste Dechamps lib. 3. contra Janjen. d. 7. c. 5. n. 4.*) inter alia ait: *Redemite à secunda morte sanguis Domini tunc.... Si vis, datus est pro te. Si nolueris, non est datus pro te &c.* Sanguis Christi volenti est salus, nolenti supplicium.

## QUESTIO V.

De conditione appetitus sensitivi,  
& corporis Christi.

QUEMADMODUM Christus, quia *verus homo*, habuit intellectum & voluntatem humanam, caruque proprias operationes; sic quoque prædictus fuitphantasia & appetitus sensitivo, corumque operationibus. Et quidem phantasia Christi habuit suas operationes ex sensibus oriundis, atque inde potuit intellectus habere consequentes actus; eti aliquoquin etiam sine ministerio sensuum possit intellectualiter operari. Quare sicut Beatorum, sic & Christiphantasia cognovit phantasticè suomodo Deum, & appetitus sensitivus appetiuit; indeque gaudium sensitivum habuit: prout etiam nunc intellectu nostro verante circa Deum, phantasia format suas imagines, & voluntate amante etiam appetitus sensitivus versatur circa objectumphantastatum, sicque cor & caro exultant in Deum vivum.

Frit.

## Qu. V. De conditione appetitus sensitivi & Corporis Christi. 47

81.  
Similiter &  
appetitus  
sensivus  
operations  
passiones  
innoxias  
honestas.  
perit ut  
ex illis  
quibus  
Christum  
mortuum  
est.

Fuit porro in appetitu sensitivo Christi varietas omnium actuum & passionum innoxiarum: fuit enim Christus juxta Apostolum ad Heb. 2. & 4. per omnia assimilatus fratribus, absque tamen peccato aut indecentia; qualem important fomes peccati, difficultas boni operis, ignorantia &c.

De vero & sensibili dolore est de fide ex Isaiae 53. Verè dolores nostros ipse portavit. Et ex Conciliis ac Patribus tradentibus veram corporis Christi passibilitatem ac passionem, quæ non est sine vero dolore. Poenitatis insuper hujus passionis nullam involvebat culpam, maximèque deferviebat ad satisfaciendum pro peccatis nostris.

Oppositum quidem videtur sensisse Hilarius l. 10. de Trin. & alibi; ut Vasquez d 59. cap. 1. admittit cum multis, quos citat. Nihilominus D. Bonav. d. 16. in Expos. textus dub. 1. & 4. l. q. 1. ad 1. D. Thomas & alii passim Hilarium excusat, & ex variis ipsius locis seu verbis benigne interpretantur, quod scilicet voluerit in Christo non fuisse causam doloris seu dolorem provenientem ex peccato; vel contra Arum quod totus Christus secundum se non sit passus, seu quod Verbum ex dolore corporis dolorem non senserit, ut sentit anima; vel quod non voluerit negare sensum & experimentum passionis, sed vim & dominium, quia videlicet voluntas etiam creata Christi passionibus non succubuit, nec dolores ex impotencia aut naturali & inevitabili necessitate pertulit, neque instar nostrum ex passionum necessitate aut vehementia fuit perturbatus, sed levata superioris portionis plenaria tranquillitate vim pœnarum in se deservientium sine ordinario pœnarum sensu seu effectu, qui in aliis cernitur, & sine ullo divinitatis dispensio voluntariè admisit. Maximè autem Hilarius sic est excusandus; cum de illo Hieronymus ad Letam scribat: Libros Hilarii inoffenso decurrat pede. Sunt etiam, qui dicunt Hilarium dicta sua retractasse. Unde (inquit D. Bonav. sup. ad 1.) audiri Parisensem Episcopum Gulielmum referre se librum illius retractationis vidisse & perlegere.

82.  
Quam ju-  
sta varios  
in Christo  
non admis-  
tum. S. Hilarius  
Qui tam  
benigne ex-  
pliatur.

De amore, desiderio, delectatione sensibili circa objecta sensitiva, v. g. praesentiam suæ matris, dilecti discipuli Joannis &c. patet: quia illa naturæter consequntur appetitum sensitivum, nec aliquid in Christo ob sistebat.

83.  
Fuit in  
Christo sen-  
sibilis amor  
Godeffatio.  
Item timor.

De timore sensitibili patet: quia sensitiliter refugit mala absentia & imminentia, v. g. mortem &c. quantumvis certò futura: incertitudo enim est in nobis frequenter concurreat, non est tamen necessaria.

Admiratio illa quæ oritur ex eo, quod viro effectu non sciatur causa, cuius proinde sciendæ desiderium excitatur, non fuit in Christo; ut patet. Fuit nihilominus in ipso sensitibilis admiratio orta ex apprehensione rei magna & experientia in-

solutæ; quæ si bona sit, generat affectum & complacentiam laudis; si inconveniens, displeasantiam & desiderium vituperandi, seu genus quoddam timoris, quod à quibuldam vocatur stupor. Hoc modo Jesus miratus est fidem Centurionis Matth. 8. Et propter incredulitatem Judæorum Marci 6.

De sensibili ira patet ex Marci 3. Circumspiciens eos cum ira. Et alio. Ratio est: quia Christus potuit juxta rectam rationem appetere vindictam injurie Patri aut sibi illata; hoc autem est irasci.

Quamvis autem præstatæ passiones sensibiles verè in Christo fuerint, Nonnulli Christo cur tamen malunt eas vocare propassiones; eò propassiones quod nec rationem prævenirent, nec ad à Nonnullis malum inclinarent.

Unde sciendum I. est appetitum sensitivum in Christo numquam prævenisse rationem, ut solet in nobis; ut velut certum tradunt omnes Theologi cum Patribus, signanter Leonem Papa Epist. II. dicente: Nihil carnis sue habebat adversum, nec discordia præveniret desideriorum gignebat compugnantiam voluntatum. rationem. Sensus corporei: vigebant sine lege peccati, & veritas affectionum sub moderamine Deitatis & mentis. Ratio est: quod hoc sit defectus naturæ humanae ortus ex peccato originali (quo Christus vi sue conceptionis caruit) & perfectionem Christi dedecens. Deinde hunc defectum excludebat perfecta omnium rerum Christo occurrentium & circumstantiarum consideratio. Et quidem frequentius actu positivo voluntatis excitavit in se actus appetitus sensitivi, juxta illud Joan. 11. Turbavit seipsum &c. Non constat tamen, an aliquando simpliciter tantum præviderit, ac permiserit.

Sciendum II. In appetitu sensitivo Christi non fuisse somitem peccati, ut certum est apud omnes: quia fomes est ex peccato, & ad peccatum inclinat: nihilquæ est aliud in actu primo, quam appetitus sensitivus, ut jam rationis imperio solitus est, & proxime dispositus ad motum inordinatum seu contra rationem: in actu secundo est ipse motus per se inordinatus, allicens voluntatem ad aliquid contra rationem. Sed nihil horum fuit in Christo: tum quia erat beatus: tum quia vi conceptionis carebat originali peccato, quod est radix somitis: tum quia dedecebat dignitatem Christi, nec conveniebat ad finem redemptionis.

Nec obstat, quod appetitus sensitivus Christi naturaliter refugerit mortem, quæ tamen erat Christo præcepta: nam fugere mortem est per se bonum; adeoque appetitus in fugam mortis inclinans non est fomes peccati. Deinde ipsa sensitibilis fuga mortis non erat Christo prohibita, sed Deo placens & utilis ad ostendendam veritatem naturæ passibilis, dummodo non eo

84.  
Appetitus  
sensivus  
qualiter in  
Christo  
numquam  
rationem.  
85.  
Nec fuit in  
eo fomes  
peccati.

eō usque pertingeret (prout in Christo non pervenit) ut voluntatem ad oppositum divino præcepto efficaciter volendum inclinaret.

86.  
Per quid  
fueris fomes  
præpedatus,

An fomes  
de abfolata  
potentia  
inesse po-  
tueris.

87.  
Christus  
habuit cor-  
pus optimè  
temperatum  
ac perfecta  
pulchritudi-  
nis.

88.  
Ante resur-  
rectionem  
verè passibile  
ac mortale.

Prædictum  
gravitatem.

Fuit autem fomes peccati in Christo sublatus, seu potius impeditus per speciem Dei providentiam, quā vel objecta illicita removebat, vel appetitu ne inordinatè excitaretur concursum denegabat. Ad quod etiam plurimūm conducebant virtutes morales Christo insulae, & actualis consideratio objectorum illicitorum cum subsequenti voluntatis imperio, quo motionem appetitus sensitivi in talia objecta impidebat. An autem de absoluta potentia fomes peccati inesse Christo potuisset, controversum est. Et videtur quod sic, etiam posito quod implicet absolutè peccatum inesse: quia fomes potuisset relinqui ad certamen, & omne etiam veniale peccatum impediri. Ita plures, etiam Recentiores.

Quod ad conditionem Corporis Christi atinet, illud in primis fuit omnino integrum & perfectum, bene dispositum, optimi temperamenti, & perfecte pulchritudinis, qualēm in humano ac virili corpore esse oportet. Quod addo: nam pulchritudo muliebris non decuisset Christum jam virum, & præsertim Evangelii ac penitentiae præconem. Immo si forte corpus delicate enutritum pulchritudinem minus decentem diffudisset, per labores tamen & afflictiones Christus redigere ad statum viro convenientem. Est communis, nisi quod unicus Medina (ut refertur) ausus sit contradicere corporis pulchritudini: cuius tamen testes sunt Augustinus & alii Patres, qui eō applicant illud Psalmi 44. Speciosus formā p̄ filiis hominum. Et Hieronymus in Epistola seu Explanatione Psalmi 44. ad Principiam Virginem. Universis (inquit) pulchrior est Virgo de Virgine, qui non ex voluntate viri, sed ex Deo natus est. Ratio Conclusionis est, quod talis perfectio decebat Spiritum sanctum qui corpus formavit, Verbum quod illud in habitavit, perfectissimam animam quæ informavit; oppositis defectibus v. g. gibbositate &c. ad finem recompensationis minimè conducentibus.

Secundò Corpus Christi ante resurrectionem secundum fidem fuit verè passibile & mortale: Christus enim eluxit, sitiuit, vulneratus est & mortuus secundum Scripturam & Concilia, idemque conveniebat ad finem redēptionis. Era etiam corpus ipsius causis applicatis passibile naturaliter, uti nostrum: quamquam Nonnulli passiones Christi vocent voluntariis, eō quod eas voluntariè assumptis, aut in illis sibi complacerit, potens impedit causas naturales. Habuit etiam ante resurrectionem gravitatem & cruentum ut certum est: tum quia assumptis omnia

quæ in natura plantavit: tum quia sine gravitate non fit fatigatio; cùm tamen juxta Scripturam fatigatus fuerit Jesus. Unde quod ambulaverit iuxta mare, est miraculo tribuendum.

An etiam Christus secundum corpus aliquos morbos assumperit, disputatur. *Corpo* *Christi* *functio* *art. 1. qn. 2 in corp.* Communis tamen opinio est negativa; quam tradit D. Thomas q. 14 a. 4. & D. Bonav. d. 15. art. 1. qn. 2 in corp. Neque Scriptura auct. Patres, dum Christi penas recentent, ullius ægritudinis seu morbi meminerunt. Ratio est: quia morbi oriuntur, vel ex inordinato vietu, vel ex imperfecta corporis formatione; quæ procul erant à Christo: vel ex causa externa, puta ex inclemencia aëris; cui quoque potens erat resistere per corpus adeò bene complexionatum: & dato casu, quo potentior fuisset vis externa morbi causativa, poterat illam prudenter declinare.

Ne obstar, quod Christus, nisi violenta morte præventus, senio naturaliter obiūset. Nam id fieri potuisset sine morbo propriè dicto, sive distincto à defectu caloris naturalis & humidi radicalis, in corpore saltem tam puro tamque convenienter naturæ gubernato; vel certè, gratis admisâ multorum medicorum sententiâ, quod mors naturaliter non accidat sine aliqua febri aut putrefactione atque etiam intellectu de corpore tam singulari, dici posset tali casu (qui non fuit) Christum in summo senio levi morbo corripiendum suisse.

Non obstat etiam, quod ex nimio aestu aut frigore fuerit interdum in Christo aliqua qualitas am intensiores, aut ex vehementia tormentorum in corpore Patientis quædam alteratio. Nam ea solùm intemperie vocatur morbus, quæ ex humore infectione vel putredine aut alia ratione vel habitualiter radicatur.

Itaque Christus non assumpsit omnes Christi defectus, etiam non peccaminosos, neque affumptions corporis fectiones manus, sed personæ, qui personæ respiciunt totam humanam unitatem, sicut famæ, sitis & similes; uti venerat naturam humanam redimere communiter sine personarum distinctione. Secundus est de defectibus personalibus, qui ex specialibus causis procedentes respiciunt personas speciales; sicut diversæ ægritudines species, ut dictum est.

Insuper contra quosdam antiquiores Hereticos fide certissimum est Christum post resurrectionem retinuisse corpus verum. Qui enim homo factus est, mortuus & sepultus, idem & resurrexit & ascendit super omnes cœlos, indeque venturus est corpus iudicare, secundum Scripturas & Symbola Ecclesiæ. Quare etiam post resurrectionem monstravit se esse prædictum corpore vero &

## Qu. V. De conditione appetitus sensitivi & Corporis Christi. 49

& palpabili, teque eumā. Ille dixit *Luca* 24. *Videte manus meas & pedes, quia ego ipse sum: palpare & videre: quia spiritus carnem & ossa non habet, sicut me videtis habere.* Hinc mentio *Damasus Papa cum Concilio Romano in Professione fidei: Si quis non dixerit, quod in carne, quam assumptus, sedet ad dexteram Patris & anathema sit.*

Nec obstat illud 2. ad *Cor. 5.* & si cognovimus secundum carnem Christum, sed nunc jam non novimus. Nam id explicat *Adrianus Papa in Epist. ad Episc. Hispanie*, quæ resertur inter acta Concilii Francofurtensis: *Esi novimus eum mortalem, peccabilem, vulneri deditum, sed jam in gloria Patris simus eum ab omni humanae conditionis debito alienum.* Alii putant Paulum loqui de se adhuc incredulo, q. d. eti⁹ ali quando more *Judeorum* de Christo seu *Messia* carnaliter judicaverimus, v.g. quod̄ esset futurus rex temporalis; jam tamen non ita novimus vel existimamus. Alii denique explicant Paulum de nōtia seu estimatione carnis generationis Christi, quā erat *Judaeus*, adeoque contributus Pauli & *Judeorum*, q.d. jam illis terrenis affectionibus mortui sumus, & Christum tantum novimus ut hominem divinum, Autorem gratiae &c.

Denique Corpus Christi etiam nunc est loco circumscriptum; ut in variis Conciliis est definitum, contra *Vbiquitas* existimantes illud esse ubicumque est Deitas, eti⁹ in cœlo tantum appareat visible. Ad idem probandum variaz adducuntur Scripturæ in VII. Synodo Act. 6. Patet sat ex *Joan. 16.* Relinquo mundum, & vado ad Patrem. *Marti 16.* Surrexit, non est hic. Plurimæ Petrum Autoritates videri posſunt apud alios. Nec mirum videri debet, quod Verbū alicubi sit, ubi non est humanitas Verbo unita; cum de facto anima sit in pede, ubi tamen non est caput animæ unitum: Denique ex nullo capite ubiquitas ista naturali corporis conditioni repugnans probari potest, adeoque non est afferenda.

### Q U E S T I O VI.

#### An Christus fit Sacerdos & Rex?

**D**ico I. Christus est verus & propriè dictus sacerdos. Est de fide ex Scriptura *Psal. 109.* Tu es sacerdos in eternum secundum Ordinem Melchizedech. Idem declarat Apostolus ad *Hebr. 5. 5.* & seqq. Patet etiam ex Concilio Ephesino can. 10. Trid. off. 22. c. 1. & 2.

Denique idem probatur ex definitione Sacerdotis traditâ ab Apostolo supra: *Omnis Pontifex ex hominibus assumptus, pro hominibus constitutus in iis, que sunt ad Deum, ut offerat dona & sacrificia pro peccatis.* Quæ definitio omnime convenit Christo, qui verum & propriè dictum sacrificium pro peccatis no-

*Herianx Sum. Theol. Pars IV.*

stris non solum in ultima cena, sed etiam in ara crucis obtulit juxta *Trid. sup. cap. 1.*

Ex quo tamen non sequitur alios Martyres similiter esse sacerdotes: quia mors non est in ipsorum, uti Christi, potestate, qui poterat impiorum manus effugere, & plagiis etiam lethalibus admissis mortem impedi re: maestatio autem hostiæ debet subesse potestati sacerdotis. Deinde debet ipsa ex officio liberè assumi ad supremum Dei cultum & dominii protestationem: ceteri autem Martyres non sunt, uti Christus, à Deo constituti ad hoc per mortem suam protestandum, nec tali ratione mortem in se admiserunt, sed ut confiterentur fidem aut aliquam virtutem.

Nec obstat, quod Christus semetipsum sacrificio physicè non occideret, non enim debet sacerdos physicè per semetipsum hostiam immolare: quidni enim in lege natura potuisse sacerdos sacrificare, eti⁹ per instrumentum v. g. bovem maestaret? Sic ita que Christus usus est ministerio impiorum, non quibus mandavit, sed quorum sacrilegas manus voluntarie in se admisit ex intentione se immolandi Deo pro peccatis nostris in recognitionem supremæ Dei majestatis.

**D**ico II. Ratio Sacerdotii convenient Christo quā homini, juxta certam Doctorum Sententiam contra Hæreticos. Idque indicat *Apostolus supra*. Idem aperte docent Patres. *Ambrosius l. 3. de fide c. 5.* dicens: *Idem ergo sacerdos, idem & hostia & sacerdotium: tamen & sacrificium humana conditionis officium est.* *Augustinus l. 1. de confessu Evang. c. 3.* *Secundum hominem Christus & Rex & Sacerdos effectus est.* Et alii. Ratio est: quia Christus quatenus Deus non habet superiorem: quod tamen ratio sacerdotii & sacrificii includit; cum sacrificium ipsum offeratur in signum submissionis & recognitionis, quā alterum tamquam supremum Dominum offereas veneratur. Deinde Christus quatenus Sacerdos interpellat pro nobis & nobis meruit; quod non potest ei convenire quatenus Deo.

Dices juxta *Cyrillum Ierosol. Cath. 10.* Christus est summus Sacerdos, immutabile habens sacerdotium, quod neque à tempore capit, neque successorem alium habebit sacerdotii &c. Neque sacrificio oleo unctus, sed ante secula à Patre Relig. Sacerdotium Christi non coepisse tempore, quatenus Filius Dei ab æterno est præordinatus, ut in natura assumenda sit Sacerdos, Patre Filio suo ab æterno genito dicente: *Tu es Sacerdos in eternum.* Alias manifestè falsum est, Filium Dei ante Incarnationem fuisse Sacerdotem potius quam Spiritus sanctus fuerit Sacerdos. Non habebit etiam successorum, quia Christus usque in finem mundi manet Sacerdos & principalis offerans per nos tamquam per vicarios, nou tamquam per successores. Neque

93.  
*Cur similia  
ter reliquæ  
Martyres  
non sint sa-  
cerdos.*

94.  
*Sacerdotium  
convenit  
Christo quā  
homini.*

*Qus sensu  
Apostolus  
dicat etiam  
non nosse  
Christum  
secundum  
carnem.*

91.  
*Christus  
secundum  
corus non  
est ubique,  
sed loco  
circumscrips.*

92.  
*Christus est  
sacerdos  
propriæ  
aia.*

*Cenobio  
assimilis  
corporis  
felicium  
muni-  
perjactu.*

90.  
*Possit nō  
editionem  
moque  
valpadi  
corpus nō  
inuit.*